

लहना

व्यवसायिक पत्रकारिता, थौया आवश्यकता

सा:गु भिंगु मरिचरिया निति
लुमंका दिसँ ।

लक्ष्मण गमाल 'चिलमि'
प्रोप्राइटर
लाखा छँ
LAKHA CHHEN

सोह्रखुटे, वडा नं. १६, येँ, फोन नं.: ८३६०७५८

थुकि दुने



'जनतायात सुसूचित यानाचवनागुया
मूल्याङ्कन थौं जूगु दु'
सुरेन्द्रभक्त श्रेष्ठ



सुशासन पत्रकारिता सिरपा व जि
विजयरत्न असंबरे

राज्य व सरकारयापाखें ब्यूगु न्हापांगु व
महत्वपूर्ण सुशासन पत्रकारिता सिरपा:
श्याम स्मृत

साहित्य
कुन्दन प्रसाद श्रेष्ठ
आर. मानन्धर



२६ क्व:गु महानगर दिवसया लसताय् थी थी
ज्याइव:या लू
पेज ४-५

निम्ह नाय:या विवाद संसद विघटनया स्थितीतकक

आ: गज्या:गु मोड काइ ओली प्रचण्ड दुब्दुं

लहना संवाददाता

देय्या राजनीति न्हूगु व गम्भीर मोड का:गु दु । छगू दलया निम्ह अध्यक्षपिनि दथुइया द्वन्द्व याना: मुककं देय् हे गम्भीर मोडय् थ्यंगु दु । निम्हेसिया ल्वापुया परिणाम थौं मुककं नेपा:मिपिन्स फ्यमा:गु स्थिती व:गु दु । सत्तारुढ दल नेकपाया नाय: लिसें प्रधानमन्त्री केपी शर्मा ओली व कार्यकारी नाय: पुष्पकमल दाहाल दथुइया तित्कता, द्वन्द्व थहाँवें जनमतयात हे तिलाज्जली बिया: संसद विघटन याय्गु स्थिती तक थ्यंनाविल । थ्व अवस्थाय् निम्ह पार्टी नाय:पिं लिसें देय्या राष्ट्रपतियात तक नं न्ह्यस: दंगु दु । उकिया नाप राष्ट्रपतिया भूमिकाप्रति नं नकारात्मक टिप्पणी अप्वयाव:गु दु ।

सरकारपाखे धाय्गु ख: अथवा प्रधानमन्त्री ओलीपाखे, संसद विघटनया गुगु पला: ल्हवन, उकियात कया: प्यखेरं विरोध जुयाच्वंगु दु । नेपाली काँग्रेस, जनता समाजवादी पार्टी, साभा विवेकशील लगायतया थीथी दल प्रधानमन्त्रीया थुगु पला:या विरोध या:गु दु । राप्रपा निर्वाचनयात समर्थन या:सां संसद विघटनया निर्णयया विरोध या:गु दु । मेगु दल ला विरोध या:गु असामान्य मखुत । तर स्वयम् सत्तारुढ नेकपा दुने हे नं थुगु निर्णयप्रति चरम असन्तुष्टि खनेदु । प्रधानमन्त्रीया थुगु पला:यात खुल्ला रुपं विरोध यासें न्हय्मह मन्त्रीतय्सं ला राजीनामा हे बीधुकल । शिक्षा विज्ञान तथा



निम्ह नाय:पिनि द्वन्द्वया लिच्व: मुककं नेपा:मिं फयाचवनेमा:गु स्थिती बांला:गु पक्कां मखु । न्हापा पार्टी विभाजनया स्थिती जक खनेदयाच्वंगुलिइ आ: मुककं नेपा:मि हे थुगु विवादय् का:गु दु । जनतां मत ब्यूगु धइगु थज्या:गु स्थिती बल्लंकेत मखु, दलीय राजनीति याय्त पक्कां मखु ।

प्रविधि मन्त्री गिरिराजमणि पोखरेल, उर्जा जलश्रोत तथा सिचाई मन्त्री वर्षमान पुन, कृषि तथा पशुपंक्षी विकास मन्त्री घनश्याम भुसाल, संस्कृति पर्यटन तथा नागरिक उड्डयनमन्त्री योगेश कुमार भट्टराई, वन तथा वातावरणमन्त्री शक्तिबहादुर बस्नेत, श्रम तथा रोजगारमन्त्री रामेश्वर राय यादव, खानेपानी तथा सरसफाइमन्त्री वीना मगर प्रधानमन्त्रीया पला:यात जनादेश अ:ख: व राजनीतिक मूल्य व स्थिरताया प्रतिकुल जुइगु कथं ल्हवंगु पला: धासें उकिया

विरोधय् मंका: राजीनामा ब्यूगु ख: । उल्लिखित जक मखु, निर्वाचन धुंका: देशय् दुई तिहाईया बहुमत दुगु बल्ला:गु सरकार वल । अप्व:थे नेपा:मि जनतां बल्ला:गु सरकार देय्या कायापलट हे याइथें आशा या:गु ख: । देय् या हितय् छुं याइ धइगु अप्व:सिगु आशा ख: । व आशा बल्लंगु धइगु हे देय्या निगू त:धंगु शक्ति छधी जूगुलिं नं ख: । समानता, समावेशीया स: ज्वना: परिवर्तनया निति धका: भिदै मल्याकक सशस्त्र युद्धय्

कुब्वा:गु लिसें न्हापांगु संविधानसभाया चुनावय् दक्कले त:धंगु शक्ति जूगु प्रचण्ड नेतृत्वयागु माओवादी पार्टी व स्थानीय लिसें संसदीय चुनावय् दक्कले त:धंगु शक्ति जूगु नेकपा एमाले छधी जुया: नेकपा जबल्य सकलें आशावादी जूगु ख: । तर दल छधी जूसां बिचा: छधी जुइमफूगुया लिच्व: थौं भीसं खनाचवनागु दु । उल्लिखित जक मखु, नेकपा पार्टीपाखें पार्टी अध्यक्ष ओलीयात अनुशासनया कारवाही याय्गु तक्या निर्णय याय्धुकल । ओलीया थुगु पला:या विरुद्ध सत्तारुढ नेकपां प्रमुख प्रतिपक्षी दल नेपाली काँग्रेस व प्रतिपक्षी दल जनता समाजवादी पार्टीलिसे जना: संयुक्त प्रतिवाद याय्गु तक्या निर्णय नं याय्धुकल । छगू दल सत्ताय् थ्यनीबलय् मेगु दल विरोध याइगु ला जुयाव:गु खँ जुल । तर थ:गु हे दलया सरकार विरुद्ध आन्दोलन जुइत्यंगु थ्व न्हापांगु खुसी हे जुइमा: ।

निम्ह नाय:पिनि द्वन्द्वया लिच्व: मुककं नेपा:मिं फयाचवनेमा:गु स्थिती बांला:गु पक्कां मखु । न्हापा पार्टी विभाजनया स्थिती जक खनेदयाच्वंगुलिइ आ: मुककं नेपा:मि हे थुगु विवादय् का:गु दु । जनतां मत ब्यूगु धइगु थज्या:गु स्थिती बल्लंकेत मखु, दलीय राजनीति याय्त पक्कां मखु । तर आ: दलीय राजनीति, गुट उपगुटया राजनीति थुलि तक्क अप्वय्धुकल कि गणतन्त्र देशय् प्रतिगामी शक्ति छ्यं ल्हवनाहय्धुकल ।

ल्यं ७ पेजय्

न्हूम्ह गणेश व भैरव



रोदिन शाक्य (गनेद्य:)



कर्शनव शाक्य (भैल:द्य:)

अन्तत: यैया:या इवल्य कुमारीलिसें रथय् जात्रा यायेमा:पिं सद्य: भैल:द्य: (भैरव) व गनेद्य: ह्युगु दु । ता: ई न्ह्य:निसें भैल:द्य: व गनेद्य: हिलीगु धइगु खँ चर्चा जुयाच्वंसां थीथी हुनिं हिलेमफयाच्वंगु ख: । थ्व हे इवल्य विधिवत् रुपं पुलापिं भैल:द्य: व गनेद्य:यात विदा बिया: न्हूपिं द्य:पिं प्रतिस्थापन या:गु दु । येँ या पाछैगल्लीइ चवनाव:मह केशचन्द्रकृत पारावर्त महाविहारया शाक्य कुलपुत्र रोदिनमान शाक्ययात न्हूम्ह गणेशकथं प्रतिस्थापन या:गु दु । दिनेशमान शाक्य व रोजि

शाक्यया काय् रोदिन प्यदैत्या दुम्ह ख: । वंगु शुक्रबा: वय्क:यात विधिवत् रुपं पूजा याना: सर्ग ब्युसें गनेद्य: कथं प्रतिस्थापन या:गु ख: । व इवल्य पुलांमह गणेश समवेग शाक्यया छँ पाकवय् नं गणेशया आवश्यक सामग्री रोदिनया छँय हया: पूजा विधि पूर्वकूगु ख: । अथे हे शनिबा: न्हूम्ह भैल:द्य: कथं कोहिंति त्वालय् चवनाव:मह कीर्तिपुण्य महाविहारया शाक्य कुलपुत्र कर्शनव शाक्य प्रतिस्थापन या:गु ख: ।

ल्यं ७ पेजय्



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur

4335491, b.arts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID)/ Visiting Card
- & all kinds of press works

सम्पादकीय

गुट उपगुटया
राजनीतिया पराकाष्ठा
खः संसद विघटन

संसद धयागु जनताया समस्याया सम्बोधन जुइमाःगु थाय् खः। जनतां थःगु मत बियाः थः जनप्रतिनिधि त्याकाछ्वइगु धइगु हे उमिसं थासय् वनाः थःगु सः तइ, थःपिन्त जुयावःगु समस्याया बारे खँ ल्हाइ, समस्याया समाधान पिकाइ धकाः हे खः। थुकथंया वहस जुइगु थाय् धइगु संसद खः। व ल्याखं संसद धइगु चुनाव त्याःपिं नेतापिनिगु स्वयां नं चुनावय् नेतायात त्याकाछ्वइपिं जनतायागु खः। संसद धयागु सुयां खल्ती च्वंगु ग्वय् पक्कां हे मखु। यःसा लिकात नल, यःसा लिकात मेपिन्त इनाबिल, मयःसा खल्तीइ हे दुछ्वयाबिल वा वांछ्वयाबिल। संसद धयागु मात्र स्वंगः आखःया खँवः अथवा नेतात मुनाः पिकनिक न्याकः वनेगु थाय् पक्कां मखु। थौं जनताया व सः थ्वयेकेगु थाय् मन्त। निम्ह पार्टी नायःया ल्वापुइ जनताया सः सुत। शक्ति थःगु ल्हातं वंकेमबीगु, कुर्सी त्वःते म्वायेकेगु नितिं जनताया सः थ्वयेकेगु उगु थाय् बलिदान बीगु ज्या जुल। संसदया गरिमायात थुलि याउँक कायेगु ज्या मजुइमाःगु खः तर जुल। आकाभाकां संसद विघटनया प्रस्ताव वल। व प्रस्ताव वयाकथं प्रतिपक्षय् दुगु दलतय्सं जक मखु, सत्तारूढ दलं हे विरोध यात। संसद विघटनया प्रस्ताव अनुमोदन मयायेत राष्ट्रपतियात इनाप नं यात। नेतातय्सं, दलया प्रतिनिधिपिन्सं, सांसदतय्सं जक मखु, आम नागरिकं नं संसद विघटनया प्रस्तावप्रति असन्तुष्टी प्वंकल। तर राष्ट्रपतिपाखें नं मेपिनिगु सुयां सः मन्यंसे ओलीया संसद विघटनया प्रस्तावयात याउँक हे अनुमोदन यानाबिल। थ्व प्रस्ताव उलि याउँक हे अनुमोदन जुइगु कथंया ला खनेमदुगु खः। सुलिसे छुं हे सहलह, परामर्श आदि मजुसं याउँक हे संसद विघटन जुयाबिल। छगू हे दल दुने नं गुट उपगुटया राजनीतिया पराकाष्ठा जुयाब्यूगु दु संसद विघटन। थुकथं जनमतया अपमान यानावनेगु खःसा कन्हय् निर्वाचनय् मत कुर्केबलय् जनतां सुइत गुकथं विश्वास यायेगु धइगु गम्भीर न्हयसः दंगु दु।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ। छिर्कापिसं छ्वयादीगुयात थुगु वाःपतिइ थाय् बियाच्चना। पिदंगु च्वसुयात उचित पारिश्रमिक बीगु नं सुचं बियाच्चना।

लहना वाःपौ

भोछें, यँ

lahana.news@gmail.com

‘जनतायात सुसूचित यानाच्चनागुया
मूल्याङ्कन थौं जूगु दु’

सुरेन्द्रभक्त श्रेष्ठ

थौं स्वयां स्वंगू दशक न्हयः नेपालभाषां पिदनाच्चंगु विश्वभूमि न्हिपौपाखें जिं नेपालभाषाया पत्रकारिता ख्यलय् पलाः तयागु खः। मदय्धुंकूह पासा नरेशकुमार शाक्यं जितः २०४७ सालय् विश्वभूमि पत्रिकाय् दुतय्कूगु खः। उगु इलय् विश्वभूमि न्हिपौ परिवारय् जि दक्कले क्वाकालिम्ह। जि उबले नकतिनि भिँच्यादै जक दुम्ह, नच्चाह्म ल्याय्महचा तिनि।

विश्वभूमि पत्रिकाया नां कायबलय् आःतक्क जिगु छाति तफाः जुयावः। विश्वभूमि धयागु नेपालभाषाया जक मखु, नेपाःया हे दक्कले न्हापांगु सन्ध्याकालीन पत्रिका जुयाः पिदनाच्चंगु खः। थीथी हुनिं थौं उगु पत्रिका निरन्तर जुयाच्चंगु धाःसा म्दु। उगु ई धइगु विश्वभूमि न्हिपौ तसकं लोकन्हाः। व्यावसायिक पत्रकारिताया ल्याखं स्वंगू दशक न्हयःया व इलय् विश्वभूमि तसकं न्हयःने लाः धाय्माः। व इलय् विश्वभूमि थुलि लोकं व्हाः कि नेवाःतय्सं जक मखु, गैर नेवाःतय्सं तक नं मातुमालाः ब्वनीगु, स्वइगु छगूयां छगू जक पत्रिका खः। भाषिक दृष्टिकोणं स्वयेगु खःसां विश्वभूमि हे गुलिसित नेवाः भाय् स्यन खइ।

जि थौं कन्हय् समाचार संकलन व सम्प्रेषणया नापं, छम्ह व्यवस्थापकया ल्याखं नं ज्या यानाच्चनाबलय् विश्वभूमियागु छता खँ थौं तक नं लुमनाच्चं। विज्ञापन माः जुइम्वाः, मनूत विश्वभूमिया ज्याकुथिइ हे वइ। विश्वभूमियात विज्ञापन बीपिं थःगु विज्ञापन पिथनेत थःगु पाः पियाच्चनेमालीगु। अथे जुयाः अर्जेन्ट धेबा पुलाः नं कन्हय् हे विज्ञापन पिकयादीमाल धाः वयाच्चनीपिं न्हिं न्हिं हे धइथें दयाच्चनीगु ई खः व ई। पत्रिका नं ४ पेज पिदनीगु। व हे ४ पेज दुने समाचार, च्वसुलिसें तुं विज्ञापन सकतां न्हयंकेमाःगु जूबलय् विज्ञापन तयां तय् थाय् हे दइमखु।

थज्याःगु अवस्थाय् संचालक समिति, सम्पादक सुरेश किरण मानन्धरया लिसें सकल पुचः च्वनाः सहलह यानाः पत्रिकायात ६ पेज दयेकेगु निर्णय जुल। लिपा वनां तक नं थ्व पत्रिका ६ पेज हे निरन्तर पिदनाच्चन। उबले व ई नं छगू खः, गबले विज्ञापन तयां तय् थाय् मदयाः पत्रिका पेज हे अक्वयेकेमाःगु अवस्था खःसा आः वयाः विज्ञापन ब्यू वइगु ला छुगन खः गन, काः हे वसां नं मबीगु अवस्था श्रृजना जुयावःगु दु। थुकिं भी भन भन ल्यूने लाना वनाच्चन धइगु प्रमाणित याःगु दु।

स्वंगू दशक न्हयः कान्तिपुर पत्रिका पिदने न्हयः विश्वभूमि लोकन्हाःगु पत्रिका जुइत सफल जूगु खःसा आहः वयाः भी गन दु सुइत कनाच्चनेमाली, धयाच्चनेमाली थें मच्चं। थुकिया छगू हे जक कारण धइगु भी दथुइ एकता जुइमफूगु हे खः। थवथवय् ल्वानाच्चनेगु, छम्हेसियां मेम्हेसिगु तुति सालाच्चनेगु, सल्लाह सुभाव बीगु स्वयां ल्यूने ल्यूने कुखिनाजुइगु कथंया ज्याखँय् तक्वनाः

गुट उपगुटया राजनीति हे भीत स्यंकूगु खः।

थनथाय् विश्वभूमिया नापनापं न्हगु विश्वभूमि पिदंगु अवस्था नं लुमसे वयाच्चं। न्हापा विश्वभूमि पत्रिका अशोक श्रेष्ठया सम्पादन पिदनाच्चंगु खः। २०४८ सालय् अशोक श्रेष्ठ विश्वभूमि पत्रिका त्वःतावनाः ‘न्हगु विश्वभूमि’ दर्ता यानाः पिथनेगु ज्या जुल। तर विश्वभूमि पत्रिका बन्द मजू। अशोक श्रेष्ठया सम्पादनय् पिदनाच्चंगु विश्वभूमि सुरेश किरणया सम्पादनय् दिन। नेवाः पत्रकारिता ख्यलय् दक्कले न्हापां नेवाः नेवाः ल्वानाः निगू न्हिपौ पिदन उबले।

२०४९ सालया ई नं जिगु पत्रकारीताया यात्राय् त्वःमके मफइगु ई खः। २०४९ सालय् तत्कालीन नेपाली काँग्रेसया सभापति गिरिजा प्रसाद कोईराला प्रधानमन्त्री जुयाच्चंगु इलय् टनकपुर काण्डया विरुद्धय् आन्दोलन जुल। उबले जनतायात सुसूचित यायेगु भाला जिं

निर्णय याःगु खः। उकिया नापं नेपालया हे न्हापांगु सन्ध्याकालीन न्हिपौ, नेपालभाषाया छगू ईतिहास कुबियाच्चंगु न्हिपौ विश्वभूमि नं व हे दिनय् बन्द जुल व थौं तक नं निरन्तर जुइमफुनि।

नेपालभाषाया पत्रकारिता ख्यलय् थम्हं फूगु चाःगु याय्माः धइगु मती ला दुगु हे जुल। २०५६ फागुनिसं नरेशबीर शाक्यलिसं जानाः ईलोहें लय्पौ पिथना। जिं १४ दै तक्क ईलोहें प्रकाशनय् च्वनाः थीथी पत्रिकाय् पिथनेगु ज्या याना। उगु ई दुने छगू हे प्रकाशन गृहपाखें खुगु पत्रिका निरन्तर पिथनाच्चनेत ताःलात।

२०७० साल फागुन २७ गते, जिगु नेपालभाषाया पत्रकारिता करिअरय् छगू टर्निङ प्वाइन्ट वल। उगु दिनय् विधिवत रुपं लहना वाःपौ पिथना। वयां प्यदै लिपा लहनाय्ज डट कमया नामं अनलाइन नं न्ह्याका। छपा, अनलाईन जुजुं वंगु जेठनिसं श्रव्यदृश्य



गिरिजा प्रसाद कोईराला प्रधानमन्त्री जुयाच्चंगु इलय् टनकपुर काण्डया विरुद्धय् आन्दोलन जुल। उबले जनतायात सुसूचित यायेगु भाला जिं हे कयाः न्हियान्हिथं सुथय् व बहनी पत्रिका पिथनेगु यानाच्चनागु खः। जि सरस्वती क्याम्पसय् ब्वनाच्चनागु, उगु इलय् जिगु जाँच नं जुयाच्चंगु। जितः आः नं लुमं, जि चच्छि च्वनाः ज्या यानाः सुथय् पत्रिका पिकायेधुंकाः जाँच ब्यू वनागु।

हे कयाः न्हियान्हिथं सुथय् व बहनी पत्रिका पिथनेगु यानाच्चनागु खः। जि सरस्वती क्याम्पसय् ब्वनाच्चनागु, उगु इलय् जिगु जाँच नं जुयाच्चंगु। जितः आः नं लुमं, जि चच्छि च्वनाः ज्या यानाः सुथय् पत्रिका पिकायेधुंकाः जाँच ब्यू वनागु। थःगु जाँच स्वयां नं समाजयात सुसूचित यायेगु ज्यायात न्हापांगु प्राथमिताय् तयेमाः धइगु महसूस यानाः थःगु जाँच स्वयां पत्रिका निरन्तर यायेमाः, दिकेमज्यू धकाः थुकथं निर्णय याना।

थुकथं विश्वभूमि पत्रिकाय् निरन्तर पलाः न्ह्याकाच्चनागु इलय् हाकनं मेगु छगू वज्रपात जुइगु ज्या जुल। २०५२ सालय् विश्वभूमि पत्रिका हाकनं टुक्रा जुल। छगू मेगु पत्रिका विश्वभूमि परिवारं हे जन्म जुल। उगु पत्रिकाया नां खः ‘सन्ध्या टाइम्स’। तर अफ नं विश्वभूमि मधू, निरन्तर पिदना हे च्वन। थुकथं विश्वभूमि निकः तक कुचा दलं नं निरन्तर पिदना हे च्वन। उबले विश्वभूमि, न्हगु विश्वभूमि व सन्ध्या टाइम्स, नेपालभाषाया स्वंगू न्हिपौ पिदंगु दिं नं वल। तर छन्हु विश्वभूमि बन्द जुल। २०५६ जेठ १८ गते सकल नेवाःतय्गु नितिं नं हाकुगु दिं खः। उगु दिनय् सर्वोच्च अदालत तत्कालीन स्थानीय निकाय स्थानीय मातृभाषायात छ्यले दइमखु धकाः

संचारमाध्यमय् नं पलाः न्ह्याका। २०७७ जेठ लकडाउन जुयाच्चंगु इलनिसं नेवाः टिभि एचडि च्यानलय् लहना गतिविधि व लहना साहित्य ज्याइवः लहनाया लुखां हे प्रसारण जुयाच्चंगु दु।

नेवाः पत्रकारिता ख्यःयात च्वनह्याकेत, थुगु ख्यःयात चलायमान दयेकाः प्रोफेसनलिज्मया विकास यायेगु कुतः कथं थुकथं मदिकक थीथी कथं पलाः न्ह्याकाच्चनागु जुल। आः वयाः स्वंगू दशकतक्क मदिकक पत्रकारिता ख्यलय् यानावयागु ज्याया मूल्याङ्कन जूगु जिं तायेकाच्चना। यँ महानगरपालिकां २६क्वःगु महानगर दिवसया लसताय् जितः सुशासन पत्रकारिता पुरस्कारपाखें सम्मानित यात। थुगु सम्मानलिसें जिं थःत तसकं गौरवान्वित महसूस यानाच्चना। स्थानीय सरकारपाखें थुकथं सम्मान कायेखंगु धइगु जिगु अहोभाग्य नं खः। जिगु ज्याया मूल्याङ्कन यानाः जितः सम्मान ब्यूगुलिं यँया स्थानीय सरकारयात सुभाय् नं बियाच्चना। भीसं छुं नं ज्या न्ह्याकाकथं, पलाः छिनाकथं उकिया परिणाम पिहांवइमखु। धैर्यतालिसें थःगु कर्तव्य पूर्वका च्वनेमाः, थःगु कर्म यानाच्चनेमाः, छन्हु उकिया अवश्य नं मूल्याङ्कन जुइ।

सुशासन पत्रकारिता सिरपा व जि



विजयचरन् असंबरे

नेवा: युट्युबया स्थापनाकालय जि व राजीव (राजोपाध्याय) जाना: गुलिखे प्रोग्राम नं दयका अले राजीव हे एडिट याना युट्युबय पोष्ट याई । नेवा: युट्युब थापना जूगु निदं फुनां नकतिनि हे स्वदं क्यन । थ्व छगू लसताया खं ख: । थ्वहे लसताया नापनापं नेवा: युट्युबया छम्ह ज्याक:मिया ल्याखं जित: यें महानगरपालिकापाखें नीखुक्व:गु महानगर दिवसया लसताय सुशासन पत्रकारिता सिरपा:पाखें सम्मानित यात । थ्व नं लसताया खं जुल ।

जिगु पत्रकारिताया पला: न्ह्यागु त:दं दत । पत्रकारिता धाधां थ्यंमथ्यं प्यंगु दशक हे दइन थ्व ख्यलय निरन्तर न्ह्यज्यानाच्चनागु । वि.सं. २०३९ सालया असोज १६ गतेया दिनय गोरखापत्र न्हिपौया शनिबाशरीय परिशिष्टाङ्कय न्हापांगु च्वसु “नेपालमा हकि खेल - एक चर्चा” पिदन । थर्ननिसें हे जिगु च्वसाया यात्रा न्ह्यात । वि.सं. २०४१ मंसीर १५ गते पिहांव:गु “कामना” य् वि.सं. २०४२ सालनिसे स्वापू क्वातुल । लजगा:कथं जिगु व्यावसायिक पत्रकारिताया पला: थर्ननिसें हे न्ह्या:गु ख: । अनं वना: ने.सं.११०६ स “पासा” नांयागु ऋतु पौ पिदन । जिम्ह पासा पुष्करभक्त माथेमाया सम्पादनय् पिदंगु थ्वहे पत्रिकाय नेपालभाषा जिगु न्हापांगु च्वसु पिदन । वनं निपु निपु । छु ओस्कार अवाडंबारे मेगु वर्ल्ड कप फुटबल कासाबारे । “पासा” पत्रिकानिसें न्ह्या:गु जिगु नेवा: भाय्या च्वसा थौं स्वीखुदुंसिबें अप्व: दय्धुकल । “पासा” धुंका ने.सं.११०७ य् जि आख: ब्वनाच्चनागु नेपाल ल क्याम्पसया अमू साहित्य पाला:पाखें पिका:गु “अमू” दैपौया न्हापांगु ल्या:या प्रधान सम्पादकया भाला कुबिया । विश्वभूमि, न्ह्यु विश्वभूमि, सन्ध्या टाईम्स, नेपालभाषा टाईम्स जुया: न्ह्यानाच्चंगु जिगु छाप पत्रकारिता यात्रा नेपालभाषाया आपालं पत्रपत्रिका जुया: न्ह्यात, न्ह्यानाच्चंगु दिन । रेडियो पत्रकारिताया खँ ल्हायगु ख:सा नेवा: भाय्या छगू चर्चित एफ.एम. गुडनाईट एफ.एम. नेपालभाषा ज्याइव:या छम्ह संस्थापक अले टेलिभिजन पत्रकारिताया खँल्हाय्बल्यु ने.सं. १११७ पाखे नेपालभाषाया न्हापांगु टिभि ज्याइव: शाशिला च्यानल डिक्कोडरय “हाबलासा” व नेपाल टेलिभिजनया न्हापांगु नेवा: ज्याइव: “हसना” टिभिया पर्दाय् ने.सं. १११९ य् न्ह्याका धा:सा आ: वया नाइस टेलिभिजनया पर्दाय् नेवा: ज्याइव: “भौगु स:” न्ह्याका वयाच्चनागु दु । स्वीखुदुंया थ्व यात्राय विशेष रुपं जि न्ह्याकागु च्वसा धइगु सकिपाबारे ख: । नेपालभाषाया न्हापांगु सकिपा “सिलु” पिदने



सिबें यक्व न्ह्य: हे जिं नेवा: भाय्या छु च्वसुइ आ: याकनं हे नेवा: भाय्या सकिपा “सिलु” या शुटिंग शुरू जुइगु धका नं च्वयागु दु । मेपिं छम्हनिम्हेसिनं “सिलु” पिहांवय् धुंका जक नेवा: सकिपाबारे च्व:गु खनेदु । वहे ल्याखं जित: नेवा: सकिपा ख्य:या न्हापोम्ह पत्रकारया दर्जा नं बिल । मेपिन्सं सकिपा पत्रकारिताय नियमित च्वसा न्ह्याकूगु खनेमदु तर जिं धा:सा उब्नेनिसें आ:तक मदिक्व च्वया वयाच्चनागु ल्याखं गुलिसिनं ला जित: नेपालभाषाया पत्रकारिता ख्यलय विधागत पत्रकारिता याना वयाच्चम्ह छम्ह हे जक पत्रकार धाईपिं नं दु ।

थुकथं न्ह्याका वयाच्चनागु पत्रकारिताया पला: न्यादं खुदं न्ह्य: नेवा: अनलाइनन्यूज पिदंबले सकिपा ख्यलय जक लिक्नुामच्चन । न्ह्यागु कथंया समाचार नं च्वय्माल । मूलधारया पत्रकारितापाखे नं पला: न्ह्यात । लिपा वना: ईया माग कथं नेवा: भाय्या पत्रकारिता नं युट्युबपाखे पला: न्ह्यात । निदं न्ह्य: नेवा: युट्युबया पला: न्ह्यात । जित नेवा: अनलाइनन्यूज व नेवा: युट्युबया संरक्षक धका: थापना यानाबिल । पदं

संरक्षक जूसां ज्या धा:सा समाचार लेखननिसें कया: पत्रकारिता ख्यलय जुइगु सकतां ज्या याना । नेवा: युट्युबया स्थापनाकालय जि व राजीव (राजोपाध्याय) जाना: गुलिखे प्रोग्राम नं दयका अले राजीव हे एडिट याना युट्युबय पोष्ट याई । नेवा: युट्युब थापना जूगु निदं फुनां नकतिनि हे स्वदं क्यन । थ्व छगू लसताया खँ ख: । थ्वहे लसताया नापनापं नेवा: युट्युबया छम्ह ज्याक:मिया ल्याखं जित: यें महानगरपालिकापाखें नीखुक्व:गु महानगर दिवसया लसताय सुशासन पत्रकारिता सिरपा:पाखें सम्मानित यात । थ्व नं लसताया खँ जुल ।

विशेष रुपं सकिपा पत्रकारिता ख्यलय प्यंगु दशक छ्याय्धुनाम्ह जिगु म्हसिका सकिपा पत्रकारया रुपय् हे धस्वानाच्चंगु दु । सकिपा पत्रकारिता ख्यलय जिगु योगदानयात लुमंका: आपालं संघसंस्थापाखें सिरपा: व सम्मान बिया वयाच्चंगु नं दु । नेपालभाषाया पत्रकारिता ख्यलय जिं आ:तक पत्रकार वा पत्रकारिता खँव: धा:गु सिरपा व सम्मान काय्मखनि ।

चाहे व नेपालभाषाया न्हापोम्ह पत्रकारया नामय् नीस्वनात:गु धर्मादित्य धर्माचार्य सिरपा छा्य मजुइमा वा लहना सुर सम्मान छा्य मजुइमा उकी पत्रकारिता खँव: धा:सा स्वानाच्चंगु मदु । थ्व ल्याखं नेपालभाषाया पत्रकारिता ख्यलय सुशासन पत्रकारिता सिरपा: हे जिं काय्खंगु न्हापांगु सिरपा ख: गुकी पत्रकारिता खँव: धानाच्चंगु दु ।

देशया शासन पद्धति हिला: संधीय शासन लागू जुल । स्थानीय शासन कथं स्थानीय सरकारया अस्तित्व दत । व हे स्थानीय सरकार यें महानगरपालिकाया ग्वसालय जूगु २६ औं महानगर दिवसया लसताय सुशासन पत्रकारिता सिरपालं जित नं पुरस्कृत यात । थुकिया निती मेयर विद्यासुन्दर शाक्य, सिरपा ल्यज्या पुच:या दुज:पिं व समस्त महानगरपालिका परिवारयात दुगुगलनिसे सुभाय् देछाना ।

भाषा ख्यलय जित: आपा:सिनं सकिपा पत्रकार हे धका: म्हसिका वयाच्चंगु दु । आ: वया: सुशासन पत्रकारिता सिरपालं जित: छम्ह मूलधारया पत्रकार धका नं म्हसिका दयकाब्यूगु दु । छम्ह पत्रकारया रुपय् जिगु पला: अभ्र तब्ब्या यानाब्यूगु दु । खय्तला एफएम व टिभिइ ज्या यानाबल्यु नं जिं जित: सकिपा ख्यलय जक लिमकुंका । साहित्य, संस्कृतिया लिसेलिसें मेमेगु ख्य:या खँयात नं दुवाला । तर लिपांगु इलय अनलाइन व युट्युब पाखेया पत्रकारिताया कारण जिगु पत्रकारिताया ख्य: अभ्र चकना वयाच्चंगु दु । छम्ह सकय पत्रकारया रुपय् अभ्र क्वातुक्व जिगु पला: न्ह्यानाच्चंगु दुसा: देशय् संधीय शासन लागू जुइधुंका स्थानीय सरकार यानि कि स्थानिय तहपाखें थुकथं सुशासन पत्रकारिता सिरपा: ल:ल्हाना काय् खनां जिं जित: गौरवान्वित जूगु ताय्का । जिगु पत्रकारिता यात्राय जिगु परिवारया ज:दुज: विशेष याना: जहान मीना बज्राचार्य व पासापि लगायत प्रत्यक्ष व अप्रत्यक्ष आपासिगु ग्वाहालि दु । वय्क:पिं सकसितं थ्व च्वसाया माध्यमं सुभाय् देछाना । सुभाय् । जय मां भाय् ।

राज्य व सरकारयापाखें ब्यूगु न्हापांगु व महत्वपूर्ण सुशासन पत्रकारिता सिरपा:

थुगुसी यें महानगरपालिकाया २६क्व:गु महानगर दिवसया अवसरय् फिम्ह पत्रकारपिन्त सुशासन पत्रकारिता सिरपालं सम्मानित या:गु इवल्य जि नं सम्मानित जुइन । पत्रकारिता जीवनय मे मेगु सम्मान नं मफयागु मखु । तर थ्वयां न्ह्य: इलयब्यलय राज्य वा सरकारपाखें थ:गु ज्या मखंगु थें मती लुइगु या: । २५ दै ता:हाक:गु जिगु पत्रकारिताया निरन्तर यात्राय राज्य व सरकारयापाखें ब्यूगु जिगु निती थ्व न्हापांगु व महत्वपूर्ण सिरपा: जूगु दु । थ्व सिरपालं जित: अभ्र गौरवान्वित अले थप जिम्मेवार महसूस याकाच्चंगु



दु । थुगु सिरपा:यात जिं थीथी दृष्टिकोण महत्वपूर्ण खनाच्चनागु दु । नेपालया हे न्हापांगु व जेठा महानगर

पालिका लिसें यें महानगर दुनेया स्थानीय सरकार यें महानगरपालिकाया २६ क्व:गु महानगर दिवसया लसता लाका: ब्यूगु

थ्व सुशासन पत्रकारिता सिरपालं जित: सुशासनया ख्यलय च्वसा न्ह्याकेत अभ्र अप्व: ह:पा: अले हौसला ब्यूगु दु । मूलधारया पत्रकारिताय सुशासन पत्रकारिता सिरपा: छगू गर्वया प्रतिकया रुपं जि कयागु दु । थुगु सिरपालं महानगर रिपो र्टिड अले समाचार सम्प्रेषणया इलय थीथी लाञ्छना अले द्वपं नं फयेमा:गु स्थिती व:गु ख: । आ: अज्या:गु लाञ्छना व द्वपंया खण्डन जूगु जिं महशुश यानाच्चना ।

सकारात्मक स्वयां नकारात्मक बिचा:या विकास जुयाच्चंगु वर्तमान अवस्थाय सही व तथ्यगत समाचार

सम्प्रेषण याईपिनिगु हे अप्व: आलोचना जुयाच्चनी अले पंग:त नं वया हे च्वनी । तर सत्य खँ गबलें सुचुकां सुचुके फइमखु व लिबा:न्ह्यबा: उकिया मूल्यांकन जु हे जुइ । उकिया हे दस्तावेजया रुपं जिं सुशासन पत्रकारिता सिरपा:यात कयागु दु । थ्व जिगु पत्रकारिता जीवनया हे त:धंगु उपलब्धीया रुपं कयागु दु । उकिया निती जिं यें महानगरपालिका परिवारयात सुभाय् देछासं आभार नं प्वंकाच्चना ।

-श्याम स्मृत (सम्पादक-नामी साप्ताहिक) (समाचार सम्पादक-भिजन संसार डटकम)

सूचनाको हक प्रयोग गरी सम्बन्धित र सार्वजनिक

सरोकारका सूचना मागौं ।

सूचनाको हक नागरिकको मौलिक अधिकार हो ।

प्रत्येक नेपालीलाई सार्वजनिक निकायको सूचना माग्ने र पाउने अधिकार छ ।



नेपाल सरकार

सञ्चार तथा सूचना प्रविधि मन्त्रालय

सूचना तथा प्रसारण विभाग





कुन्दन प्रसाद श्रेष्ठ

चिनाखँ

सुयातं करुणा मतइम्ह
थ्व कोरोना
सुयातं भाइचारा मतइम्ह
थ्व कोरोना
“उखें वइला थुखें वइला
(थौं वइला कन्हय वइला)
मस्यू न्हां क्वंचा” धायथें
म्हताच्चन सुलाकासा
न्यकाच्चन ग्याचिकुया लकस
उखें व थुखें व मसीक
चीनया छगू प्रान्त वुहानं
न्हयज्या:गु ल्वय्
थ्व कोरोना ।

लाछि
त्वा:
देय्
चकनावन हलिन्यक
मनू खना: मनू ग्याय्मा:गु
सुलाच्चन भी
थ:गु हे छैय्
चुकू तया: क्वथाया दुने
त:जि चीजियात थीमज्युगु
जातभात छुवाछुटया खँ थें
मनुखं मनूयात थी मज्युगु
थी हे मा:सां नीसी याय्मा:गु
मनुखं मनूयात हे शंकां स्वय्मा:गु
गज्या:गु ल्वय् थ्व
कोरोना धा:गु ?
ग्या:गु ला ख: हे मखु थ्व कोरोना भी
खना:



कोरोना भिएस कोरोना

बरु लिलिचिलाच्चन भी
थ: थ:महंतुं ग्याना:
ध्वदुइ धका:
थ्व कोरोना ।

“हारां खना: नारां ग्या:”
सुलाच्चन द्य:त हे
खापा तिना: गल्लाक
देग: देगल्य्
अथे ला,
ग्याय्मा:गु मदुथें च्वं अपाय्च्वं
छाय्धा:सा

छन्हु ला गथे मवइ ?
वास:, थ्व कोरोनाया
बरु
ग्याय्मा:गु ला भी
भीथाय् हे च्वीपिं कोरोनात खना:
नसैं मनसैं मुंकातयागु हि
भीगु हिनु हिनुलय्
दुहौवना, भीसं हे मचाय्क
त्याप्प ज्वना: सालाच्चन चुँइचुँइ
स्वाहाय्काच्चन भीगु
सैं
स्वैं

नुग:चु
सास: हे फी फय्क
वाथावाथा कंकाच्चन भीथाय्पापिं
थ्व कोरोना भाइरसतय्सं ।

स्वीदै मल्याय् धुकल
चकनाच्चंगु भीगु देसय्
थ्व कोरोना भाइरस
नय्-त्वने मखंगु ला छवे हे ति
चिनातल स्वताक - भीगु तुति
पिहौं वय् मफय्क
चिनातल कसिक - भीगु ल्हा:
संके हे मछिंक
तियातल वाय्वाय् हाय्क - भीगु ग:प:
छुया: नयाच्चन - भीगु लाशयात
प्याखं ल्हुया लाखे लसितथें
चकनाच्चन थ:पिं
भाइरस जुया: भीगु देसय्
त्वनाच्चन हि थुमिसं भीगु देसया
कोरोना जुया: ।

अथे जुगुलिं पासापिं
गुलि ग्यानाच्चनेगु भी जक
ग्याय्गु नं छगू लाग्ना दइ
दय्केनु वास: याकनं
ख्याना छ्वय्थ थ्व भाइरस
न्हंका छ्वय्नु
भी दक्क छधी छप्पं जुया:
खुसिबा:थें बा: वय्नु
च्वय्का छ्वय्नु
ईकिधकि हे मससैं थाकुगथें प्युनाच्चपिं
थ्व कोरोना भाइरसतय् ।

शान्तिया स:



आर. मानव्धर

शहरया हा:स: दथुइ म्वानाच्चमं
छम्ह मनू गुगुंकर्थं हिमालय् थ्यन । व
अजू चाल - अन ला स: धयागु हे
मदु । गबलें बिचा: हे मयागु शान्तिया
अनुभव जुल वयात । यक्वतक हे व
अनया शान्तिइ दुनाच्चन ।

लिहां बनेगु इलय् वं बिचा:
यात - थजोगु शान्ति शहरय् च्वीपिं
पासापिन्त नं न्यके दुसा गुलि ज्यू । वं
थ:गु रेकर्डर्य् छुं ई अनया शान्तियात
रेकर्ड यानाकाल ।

शहर लिथ्यनेव वयात वया
पासापिसं नापला: वल । छ गन
वनाच्चनागु धका: फुक्क पासापिसं
न्यन । वं हिमालया बारे कन । फुक्क
अजूचाया: न्यनाच्चन । अले वं अनया
शान्तिया बारे कन । सुनां नं वया खँ
भ्या: हे थुइके मफु । फुक्क वाताहाँ -
छु धा:गु जुइ व शान्ति धा:गु ?

अले वं थ:गु रेकर्डर शान्तिया
रिकर्ड हायेका: न्यकल । तर सुनां नं
छुं हे तायेके मफु ।

भित्तुना लिसें सुभाय्



थुगुसी २६ क्व:गु

यें महानगर दिवसया लसताय्

ज्यापु महागुथि नेपा:,

यें महानगर समितिं

मेयर्स अवार्ड

कायेत ता:ला:गुलिं भित्तुना देछानाच्चन नापं

तसकं च्वछायेबह:गु थ्व गरिमामय् अवार्ड

महागुथियात छायेपियादीगुलिं

यें महानगरपालिकायात

सुभाय् देछानाच्चन ।



राजभाइ जक:मि

नाय:

ज्यापु महागुथि नेपा:

केन्द्रीय समिति

‘यैँ महानगर वडा २ या ज्याकू भवनया शिलान्यास



यैँ महानगरपालिकाया मेयर विद्यासुन्दर शाक्य थःगु कार्यकालय् यैया ३२गुलिं हे वडाया भवन व्यवस्थित याय्गु, पुर्ननिर्माण याय्गु व न्हुगु निर्माण याय्गु अभियानयात

पूरा याना हे त्वःतेगु प्रतिवद्धता प्वकादीगु दु । वडा-२ या कार्यालय भवन शिलान्यास याय्गु भूवलय् वय्कलं थथे धयादीगु खः । ज्याइवलय् नवानादिसै मेयर शाक्यं २०७४

सालया स्थानीय निर्वाचन लिपा न्हापांगु कार्यपालिका बैठकं महानगरया केन्द्रीय भवन व दक्क वडां थःगु कार्यालय भवन निर्माण याय्गु निर्णय यानागु लुमकुसै उगु हे निर्णय कार्यान्वय याय्गु भूवलय् वडा २ कार्यालय भवन शिलान्यास जूगु धयादिल ।

३२ वडामध्य वडा-८ य सामान्य विवाद दुगु व व बाहेक मेगु वडाय् विवादरहित ढंगं पुर्ननिर्माण जूगु जानकारी न मेयर शाक्यं बियादिल ।

५ करोड २८ लाख १० हजार ४५६ तका लागत अनुमान यानातःगु उगु वडा भवन निर्माणया लागिं बोलपत्रपाखें न्यु ड्रागन निर्माण सेवा भ्याट नापं ४ करोड १७ लाख १५ हजार ९४३ तका लागतय् कवोल याःगु दु । वडाध्यक्ष राजेन्द्र श्रेष्ठ निर्माण कम्पनीयात इलय् हे ज्या क्वचाय्त इनाप यासै वडाध्यक्ष श्रेष्ठ भुक्तानीइ समस्या मजुइगु बच बियादिल । करीब २१ आना जग्गाय् ३ तलाया वडा भवन निर्माण जुइत्यंगु खः । भवनय् करीब ६० मनु न्हयनीगु सभा कक्ष व प्रशासनिक कक्षया न व्यवस्था दइगु धाःगु दु ।

चन्द्रानन्दयात मेयर शाक्यं छैय् वनाः सम्मान लःल्हानादिल

यैँ महानगरपालिकाया मेयर विद्यासुन्दर शाक्यं यैया पुलाम्ह जनप्रतिनिधि चन्द्रानन्द नेवाःयात वय्कःया हे छैय् वनाः सम्मान यानादीगु दु । पुलांम्ह जनप्रतिनिधियात शुगुसी २६क्वःगु महानगर दिवसया इवलय् ‘स्व. जनकमान श्रेष्ठ स्वशासन सिरपाः’ पाखें सम्मानित याय्गु क्वःज्युगु खः । स्वास्थ्य अवस्थया हुनिं भाजु चन्द्रानन्द महानगर दिवसया औपचारिक ज्याइवलय् थ्यंकमफूगुलिं मेयर शाक्यलिसें महानगरपालिकाया छगू टोली हे वय्कःया छैँ म्हय्पिइ वनाः वय्कःयात सम्मान याःगु खः । सम्मान लःल्हाय्गु नितिं मेयर शाक्यलिसें प्रमुख प्रशासकीय अधिकृत राजेश्वर ज्ञवाली, यैँ महानगरपालिका १८ वडाया वडाध्यक्ष न्हुच्छेकाजी महर्जन नेवाःया छैय् थ्यंगु खः । उगु इलय् मेयर शाक्यं सम्मानित जूम्ह नेवाःयात हनापौ लिसें सिरपाःया राशी छगू लख तका न लःल्हानादिल ।



उगु इलय् मेयर शाक्यं पुलांम्ह वडाध्यक्ष नेवाः जिगु गुरु व अविभावक निम्हं खः धयादिल । इतिहासयात सम्मान याय् दयाः थः तसकं लय्ताःगु शाक्यया धापू खः । १८ वडाया वडाध्यक्ष महर्जन न नेवाःयात राजनीतिक गुरु माने यानातयागु

धयादीगु खः । नेवाः न्हापांगु खुसी २०१९ सालया स्थानीय निर्वाचनय् वडा सदस्य निर्वाचित जूगु खःसा २०३२ साल लिपा कार्यबाहक प्रधानपञ्चया जिम्मेवारीइ तकं च्वनादीगु खः ।

आः गज्याःगु...

मेपिं ला मेपिं, देय्या राष्ट्रपति तर्कं थ्व गुट उपगुटया राजनीतिइ विवादित जूगु अवस्था धइगु गम्भीर खः । मेपिन्सं विरोध यानाच्वंगु च्वनं जुइगु, ओलीपाखें वनीगु छुं नं प्रस्ताव तुरन्त अनुमोदन यानाछ्वय्गु ज्या राष्ट्रपतिपाखें जुइमज्युगु हे धाय्माः । विवादयात मत्थर याय्त मध्यस्थता याय्गु ज्या याय्माःम्ह राष्ट्रपतिं थ्वयां न्हयः न ओलीपाखें प्रस्ताव यानाकथं संवैधानिक परिषदसम्बन्धी अध्यादेशयात पारित यानाः नेकपाया विवादय् मिइ ध्यः लुइगु ज्या थें जूगु आपाःसिगु विश्लेषण दुसा आः वयाः संसद विघटन थज्याःगु गम्भीर प्रस्ताव तर्कं याउँक हे पास यानाबिल । थुकिं यानाः राष्ट्रपति थज्याःगु गरिमामय पद विवादित जूगु अवस्था जूगु दु ।

गबले प्रचण्डया १९ बुँदे राजनीतिक प्रस्तावया नामय् सा गुबले ओलीपाखें प्रचण्डया राजनीतिक प्रस्तावया ३८ बुँदे प्रत्युत्तरया नामय्, गबले संवैधानिक

परिषदया नामय् सा गबले विशेष अधिवेशन आव्हानया खँय् निम्ह नायः दशुइ विवाद जुया हे च्वन । व थ्व विवादय् शक्ति सुया ल्हातय् वीगु वा तय्गु धइगु वहसं जक प्राथमिकता कयाच्वन । थौं नेपाः देय् जक मखु, मुक्कं गम्भीर मोडय् लानाच्वंगु दु । कोभिड १९ संक्रमणया जोखिम, लकडाउन अर्थतन्त्रय् लाकूगु लिच्वलं यानाः ततःधंगु विकसित देय् तर्क वाथावाथा कनाच्वंगु अवस्था दु । गुलिखे यूरोपियन देशय् ला संक्रमणया स्वंगूगु लहरं त्राहि त्राहि जुयाच्वंगु दु । मुक्कं हलिया ध्यान संक्रमण नियन्त्रण, भ्याक्सिन, क्वदलाच्वंगु अर्थतन्त्रयात थकाय्गुलिइ केन्द्रीत जुयाच्वबलय् नेपालय् थुकथंया स्थिती धइगु बांलाःगु पक्कां मखु ।

न्हूम्ह...

वइगु फागुन महिनाय् प्यदं पूवनेत्यम्ह कर्शनव भाजु ज्ञानुप शाक्य व मनिला शाक्यया काय् खः । थ्वयां न्हयः ओमबहाःया

रुजन शाक्य भैलःद्यः जुयावःगु खः । शाक्य महाविहार संघया पहलय् १६ बहालय् पितब्यूगु सुचंया लिधंसाय् आवेदन ब्यूपिं शाक्य कुलपुत्रपाखें भैलःद्यः व गणेशया ल्यज्या जूगु खः । करीब दक्खि दुनेया प्रक्रिया दुने आवेदन ब्यूपिनिगु जातःयात पञ्चाङ्ग निर्णायक समिति या ज्योतिषीपिन्सं स्वयेधुंकाः उपयुक्त खनेदुपिनिगु बारे गुठी संस्थानय् सहलह यायेधुंकाः न्हुपिं गणेश व भैलःद्यः ल्यज्या जूगु खः । उमेर हदया हुनिं पुलापिं भैरव व गणेश हिलेमाःगु शाक्य महाविहार संघं न्हयथंगु दु ।

न्हापा न्हापा द्यःपिं हिलेगु ज्या यायेत छुं आधिकारीक समिति मदुगु अवस्थाय् थः दुनेया कुलपुत्रपिं हे ल्ययाः द्यः प्रतिस्थापन यायेगु जुयावयाच्वंगुलिइ प्रजातान्त्रिक मज्जु, सिन्डिकेट प्रथा थें जुल धइगु खँ वःगु अवस्थाय् महाविहार संघपाखें शाक्यपिनिगु १६ बहाः दुने सुचं जारी यानाः द्यःपिं ल्यज्या जूगु संघं न्हयथंगु दु ।

मेयर बिद्यासुन्दर शाक्यपाखें मय्जुबहाः चक्रपथय् अनुगमन



यैँ महानगरपालिकाया मेयर विद्यासुन्दर शाक्यं चाबही मयजुबहाः चक्रपथया करीब २ किलोमिटर लम् कालेपत्रेया अनुगमन यानादीगु दु । बुधबाः मयजुबहाल वनाः नगरविकास आयोजना अलपत्र त्वःतातःगु मयजुबहाल चक्रपथया कालोपत्रेया ज्याया मेयर शाक्यं अनुगमन यानादीगु खः । करीब निधौया अनुगमनया इवलय प्रमुख शाक्यं थः निर्वाचित जुयावय्धुंकाः वडाय् जूगु विकास निर्माणया ज्याया प्रत्यक्ष जानकारी काय्त अनुगमनय् वयागु धयादिल । ‘केन्द्रबं छवयाहयागु व वडापाखें परिचालन याःगु बजेट गुलि ज्या जुल, गुलि ल्यं दनि स्वयत्त अनुगमन यानागु खः’ शाक्यं धयादिल ।

व इवलय् अनुगमन समिति या काजि तर्क खःम्ह स्थानीय वासिन्दा रविन्द्र पण्डित मेयर शाक्यलिसेंया टोलीयात लसकुस यासै निर्वाचनया इलय् प्वकूगु प्रतिवद्धता

पूर्वकूगुलिइ सुभाय् बियादिल । अनुगमनय् मेयर शाक्यया लिसें प्रधानमन्त्रीया विदेश मामिला सल्लाहकार डाक्टर राजन भट्टराई, वडाध्यक्ष शुद्धकुमार डंगोल, यैँ महानगरपालिका सहरी पूर्वाधार विभागया प्रमुख राम थापालिसेंया पुचः मयजुबहालय् थ्यंगु खः ।

प्रधानन्त्रीका विदेश मामिला सल्लाहकार भट्टराई सन्तोषजनक रुपं ज्या जुयाच्वंगु धासै लसता प्वकादिल । वडाध्यक्ष डंगोल वडाध्यक्षया उम्मेदवारी बियागु हे इलय् निर्वाचित जुइधुंकाः विकास निर्माणया जिम्मा काय्गु प्रतिवद्धता प्वकागु लुमकुसै थौं प्रतिवद्धता पूवनीगु चरणय् थ्यंगु धयादिल । वय्कलं मयजुबहाः चक्रपथया करीब २ किलोमिटर कालोपत्रे याय्गु, विजुलीया पोल व्यवस्थापनलिसेंया ज्याया लागिं करीब ८ करोड ५० लाख तकाया योजना दुगु जानकारी बियादिल ।

(क) व्यापारी त्यासा

(ख) हायरपचेज त्यासा

(ग) आवासीय त्यासा

(घ) शेयर त्यासा

(ङ) मुद्दी रसिद धितो त्यासा

(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछै, पाको, न्हूसतक, यैँ, नेपाः

फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चोक, टंकेश्वर मार्ग, काठमाडौं ।

फोन नं. : ४२२२१९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनीर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्वार्टरिङ पनि गरिन्छ ।

यैँ महानगरपाखे ७ करोड ५० लाखया सिटीस्क्यान मेसिन ग्वाहालि



यैँ महानगरपालिकां त्रिवि शिक्षण अस्पतालयात अत्याधुनिक सीटी स्क्यान मेसिन न्यायूत आर्थिक अनुदान बीगु जूगु दु। ७ करोड ५० लाख रुपैयाँ बराबरया १२८ स्लाइसया अत्याधुनिक सिटी स्क्यान मेसिन न्यायूत ग्वाहालिया निति उपप्रधानमन्त्री ईश्वर पोखरेलया उपस्थितिइ यैँ महानगरपालिकाया मेयर विद्यासुन्दर शाक्य व त्रिवि शिक्षण अस्पतालया कार्यकारी निर्देशक प्रा.डा. दिनेश काफ्ले सम्झौतापत्र लहाःचि तयादिल। उगु इलय् उपप्रधानमन्त्री पोखरेलं संमूद्र नेपाल खुशी नेपालीया नारायात पूरा यायूगु कथं स्वास्थ्य, शिक्षा, कृषि, पर्यटन महत्वपूर्ण जूगु धयादिल।

यैँ महानगरपालिकाया मेयर शाक्य यैँ महानगरपालिकां स्वास्थ्य क्षेत्रय् नेपाल सरकार व प्रदेश सरकारया क्षेत्र दुने न

थीथी निकायलिसे सहकार्य यानाः ज्या न्ह्याकावयागु धयादिल। उगु इलय् मेयर शाक्य आःतक्क महानगरपालिकां जक करीब ३५ हजारया स्वाब संकलन यायू धुनागु जानकारी बियादिल। वय्कलं, 'सहिद गंगालाल हृदय रोग अस्पताल, छाउनीस्थित विरेन्द्र सैनिक अस्पताल, कान्तिबाल अस्पतालय् नं सेवा विस्तारया लागि थीथी ज्याया सहकार्य यानागु नं कनादिल।

त्रिवि चिकित्साशास्त्र अध्ययन संस्थान (आइओएम) या डिन प्रा.डा. दिव्या सिंह शाह आधुनिक चिकित्सा विज्ञानय् सिटी स्क्यान मदय्क मगाःगु हतियार खःगु धासें यैँ महानगरपालिकाया ग्वाहालि विरामीपिन्त स्तरीय सेवा बीत थुगु ग्वाहालि यक्व तिबः दइगु बिचाः तयादिल।

किपू नगरपालिकायात कभर्ड हल हस्तान्तरण

किपू नगरपालिका वडा नं. १० य् दुगु कीर्तिपुर कभर्ड हल किपू नगरपालिकायात हस्तान्तरण याःगु दु। किपू नगरपालिकाया ज्याकू अमर्लिसइ जूगु छगू ज्याभूवः दथुइ राष्ट्रिय खेलकुद परिषदया सदस्य सचिव रमेश सिलवाल किपू नगरपालिकाया मेयर रमेश महर्जनयात कभर्ड हल हस्तान्तरण यानादिल।

ज्याइवलय् नवायूगु इवलय् परिषदया सदस्य सचिव सिलवाल नेपाल सरकारं प्रत्येक स्थानीय पालिकाय् छगू कभर्ड हल दयेकेगु नीति कथं किपूलिइ परिषदया स्वामित्वय् दुगु कभर्ड हल स्थानीय पालिकायात हस्तान्तरण यानागु धयादिल।

अथेहे नेपाल जुडो संघया उपाध्यक्ष तर्क खःम्ह किपू नगरपालिकाया मेयर रमेश महर्जन कीर्तिपुर कभर्ड हल थःगु नगरपालिकायात हस्तान्तरण याःगुलिं



परिषदयात सुभाय् देखानादिल।

उगु इलय् मेयर महर्जन किपू नगरपालिका मेयर खेलकुद कासा यानावयानागु धासें थुगुसी कोभिडया

कारणं स्थगित जूगु जानकारी बियादिल। वगु दैय् सागय् थुगु कीर्तिपुर कभर्ड हल फेन्सिङ्ग व खो-खो यानाः निगू कासा जूगु खः।



मिंतुना देखाना

२६ क्वःगु यैँ महानगर दिवसया लसताय् स्थानीय सेवा गौरव पदक

पाखें वडा नं. १ या वडाध्यक्ष भरतलाल श्रेष्ठ,

वडा नं. ३ या वडाध्यक्ष दीपक केसी,

वडा नं. १५ या वडाध्यक्ष शशीलाल श्रेष्ठ,

वडा नं. २७ या वडाध्यक्ष चिनियामान बज्राचार्य व

वडा नं. ३० या वडाध्यक्ष दलबहादुर कार्की

सम्मानित जुयादिगुलिं आपालं मिंतुना देखासैं लिपालिपा नं थुकथं हे वडावासीपिनिगु सेवाय्

निरन्तर पलाः न्ह्याकाचवने फयेमाः

धकाः मन्तुना।



लहना वाःपौ, सकल जः



भरतलाल श्रेष्ठ



दीपक केसी



शशीलाल श्रेष्ठ



चिनियामान बज्राचार्य



दलबहादुर कार्की